

Cyfnodau Preswyl ar Leoliad: Gwybodaeth i Ymgeiswyr _ _

Cyfnodau Preswyl ar Leoliad: Gwybodaeth i Ymgeiswyr _

Beth yw Cyfnodau Preswyl ar Leoliad? _

Mae Cyfnodau Preswyl ar Leoliad yn cefnogi datblygu syniadau newydd ar gyfer perfformio mewn rhanbarthau penodol o Gymru, tra'n galluogi ymgysylltu creadigol â chymunedau neu leoliadau ledled y wlad ar yr un pryd. Y cyfnodau preswyl hyn fydd y manau cychwyn ar gyfer cyfnodau preswyl a chynyrchiadau yn y dyfodol sydd â chysylltiad dwfn ac ystyrlon â'r syniadau o 'bobl' a 'lle'.

Mae hwn yn gyfle i chi ddyfeisio a llunio eich cyfnod preswyl eich hun lle gallwch chi wthio'ch ymarfer artistig. Yn eich cyflwyniad, byddwn yn chwilio am enghreifftiau o sut y credwch y bydd y cyfnod preswyl hwn yn gwthio'ch ffiniau artistig a/neu â'r potensial i greu newid (i chi, eich ymarfer, neu unrhyw un arall y gallech fod yn gweithio gyda hwy). Trwy'r cyfnodau preswyl hyn bydd artistiaid yn arbrofi, yn cymryd risgiau ac yn archwilio ffurf o fewn cyd-destun penodol.

Mae gennym ddiddordeb arbennig mewn clywed gan artistiaid sydd am archwilio syniadau yng Ngogledd Ddwyrain Cymru a Gorllewin Cymru. Rydym yn croesawu'n benodol cyflwyniadau gan artistiaid sy'n dod o grwpiau heb gynrychiolaeth ddigonol (yn benodol artistiaid o gefndiroedd diwylliannol amrywiol, neu artistiaid ag anghenion ychwanegol).

Byddem yn dychmygu y bydd y rhan fwyaf o'r cyfnodau preswyl yn para tua wythnos ac y bydd cyfle pwysig i rannu syniadau/proses gyda chynulleidfa leol.

Pwy all wneud cais? _

Mae'r cyfnodau preswyl ar leoliad yn agored i bob artist sydd â diddordeb mewn gwneud perfformio - awduron, cyfarwyddwyr, coreograffwyr, dylunwyr, symudwyr, gwneuthurwyr digidol, neu arbrofwyr creadigol cyffredinol - ar unrhyw adeg yn eu gyrfaedd.

Rhaid i'r holl artistiaid/cynhyrchwyr sy'n cymryd rhan:

- _ fod yn 18 oed a throsodd;
- _ heb fod mewn addysg amser llawn ar hyn o bryd;
- _ heb fod yn cynnal prosiectau mewn cysylltiad ag ymchwil PhD; ac
- _ yn byw yng Nghymru neu'n gallu dangos ymrwymiad cryf i ddatblygu gwaith yng Nghymru.

Beth ydych chi'n ei ystyried yw 'Gogledd Ddwyrain' a 'Gorllewin' Cymru? _

Yn yr achos hwn, rydym yn meddwl am Ogledd Ddwyrain Cymru fel siroedd Wrecsam, Sir Ddinbych a Sir y Fflint, a Gorllewin Cymru fel Sir Benfro a Sir Gaerfyrddin.

Beth sydd ar gael? _

Cyllideb

Bydd yr holl brif artistiaid a'u cydweithwyr yn derbyn ffi isafswm o £500 yr wythnos am eu hamser ar y cyfnod preswyl, yn ogystal â chymorth cyllidebol tuag at gost teithio, llety, deunyddiau ac ati, gan ddibynnu ar anghenion pob cyfnod preswyl. Nid oes angen i chi gwblhau cyllideb fel rhan o'ch cyflwyniad. Byddwn yn gweithio gyda chi i ddyrannu arian i'ch cyfnod preswyl, yn seiliedig ar ei anghenion.

Cefnogaeth A Chyngor

Byddwch yn derbyn cefnogaeth artistig a chynhyrchu gan y tîm Datblygiad Creadigol a'r Adran Gynhyrchu, yn ogystal â chael mynediad at arbenigedd y cwmni cyfan, gan gynnwys Cydweithio a Chyfathrebu.

Pryd fydd y cyfnodau preswyl yn digwydd? _

Rydym yn rhagweld y bydd y rhan fwyaf o'r cyfnodau preswyl yn digwydd rhwng 01 Mawrth a 01 Hyd 2018 ond rydym yn hapus i ystyried cyfnodau eraill. Cysylltwch â ni os oes gennych gwestiynau am hyn.

What's the application process? _

- _ Gallwch gyflwyno syniad trwy lawrlwytho'r ffurflen gyflwyniadau a'i hanfon at submissions@nationaltheatrewales.org
- _ Byddwn yn ymateb i'ch e-bost i roi gwybod ichi unwaith y caiff ei derbyn yn ddiogel.
- _ Ar ôl i'r dyddiad cau fynd heibio, fe'i hanfonir at banel cefnogol a chyfeillgar

o weithwyr proffesiynol y diwydiant (sy'n cynnwys staff NTW ac artistiaid annibynnol gwadd, neu reolwyr celfyddydau o Gymru neu du hwnt). Efallai y byddwn yn rhoi galwad i chi os oes unrhyw gwestiynau y mae angen i ni eu gofyn cyn ei rhannu.

_ Os teimlwn fod gan eich cyfnod preswyl botensial go iawn, byddwn yn trefnu ichi gyfarfod â chynrychiolwyr y panel er mwyn i chi ddweud wrthym fwy amdano, ym mha bynnag ffordd y credwch sy'n dangos orau yr hyn yr hoffech ei wneud, a sut. Os ydych chi'n bwriadu gweithio gyda chymuned, byddem yn disgwyl iddynt gael eu cynnwys ar y pwynt hwn mewn rhyw ffordd.

_ Os dewisir eich cyfnod preswyl, byddwch yn gweithio gyda staff yn NTW (Datblygiad Creadigol, Cynhyrchu, Cynhyrhydd Newydd) yn ogystal ag unrhyw bartneriaid/artistiaid cydweithredol i gynllunio a chynnal eich cyfnod preswyl. Gall cyfnodau preswyl ddatblygu ar y pwynt hwn mewn nifer o wahanol ffyrdd.

_ Ar ddiwedd y cyfnod preswyl gofynnir i chi rannu peth o'r hyn a wnaethoch. Gallai hyn fod yn unrhyw beth o gyflwyniad, rhannu neu berfformiad o waith sy'n cael ei ddatblygu. Byddwn ni'n eich helpu i feddwl am yr hyn a allai hynny fod a sicrhau eich bod yn cael eich cefnogi'n iawn i wneud hynny.

_ Byddwn ni'n eich helpu i feddwl am yr hyn a allai ddigwydd nesaf a sut. Byddwn hefyd yn gwneud cyflwyniadau i weithwyr proffesiynol neu artistiaid eraill y credwn y gallai fod â diddordeb yn eich gwaith yn y dyfodol. Ond nid ydym eisiau i hynny fod yn ddiwedd ar ein gwaith gyda'n gilydd, felly fe ddown o hyd i ffyrdd o gadw mewn cysylltiad hefyd.

Rydym yn argymhell yn gryf eich bod chi'n siarad â ni am eich syniad cyn ei gyflwyno. Rydym yn disgwyl llawer o gyflwyniadau felly peidiwch â'i adael i'r funud olaf cyn cysylltu!

Beth yw'r dyddiad cau? _

Y dyddiad cau ar gyfer ceisiadau yw canol dydd ar **ddydd Gwener 12 Ionawr 2018**.

Cefnogir Cyfnodau Preswyl ar Leoliad NTW gan:

JERWOOD CHARITABLE FOUNDATION

Mae Sefydliad Elusennol Jerwood yn ymroddedig i roi arian refeniw i'r celfyddydau mewn modd dychmygus a chyfrifol, gan gefnogi artistiaid i ddatblygu a thyfu ar gamau pwysig yn eu gyrfaedd. Nod ei gyllid yw galluogi artistiaid a sefydliadau celfyddydol i ffynnu; i barhau i ddatblygu eu sgiliau, eu dychmyg a'u creadigrwydd gyda gonestrwydd. Mae'n gweithio gydag artistiaid ar draws ffurfiau celf, o ddawns a theatr i lenyddiaeth, cerddoriaeth a'r celfyddydau gwledol. Am ragor o wybodaeth ewch www.jerwoodcharitablefoundation.org

Thank you / Diolch _

Cysylltu _

Os ydych chi am drafod syniadau neu ofyn cwestiwn i ni, cysylltwch!

Simon Coates

Pennaeth Datblygiad Creadigol

simoncoates@nationaltheatrewales.org

Gwenfair Hawkins

Cynorthwydd Datblygiad Creadigol

gwenfairhawkins@nationaltheatrewales.org

National Theatre Wales

30 Arcêd y Castell

Caerdydd

CF10 1BW

☎ +44 (0)29 2035 3070

@ info@nationaltheatrewales.org

🌐 nationaltheatrewales.org

🌐 community.nationaltheatrewales.org

🐦 @NTWTweets

📌 National Theatre Wales

© 2017. All rights reserved.

Registered in England & Wales

Company Registration No. 6693227

Charity Registration No. 1127952